

欽定科場條例

欽定科場條例卷三十九

外簾所官

謄錄所

現行事例

一順天鄉試謄錄書手一千名。會試謄錄書手

七百名。由順天

大興宛平二縣免其派送

直隸各州縣衙門

正身書吏內之善書樸實者。均勻選派。造具花

名清冊。取具印結。於申送時。用摺卷一本。墨格

二頁。鈐用印信。卷面當堂親寫年貌籍貫。某房

書吏墨格用硃寫六行左臂用印一顆。封固將原卷並冊結。封送各府廳直隸州。驗明臂印。令於原卷用硃接寫四行。年貌筆蹟不符者。駁回更換。將申送官指察其堪以供役者。由直隸總督。派幹練丞倅及候補州縣等員。於起解時。逐一識認。沿途約束。入場前五日。赴順天府將原卷冊結投遞。驗明臂印。仍令於原卷用硃接寫四行。年貌筆蹟不符者。將該書吏及頂替之人。嚴行究辦。並查取申送官解送官職名。分別咨

部從重議處其堪以供役者將原卷存順天府
備查由大宛二縣於右臂用印一顆封固妥擇
寺觀同原解官嚴密關防入場前一日解官押
赴磚門搜檢大宛二縣於貢院門外點名押解
官逐名識認順天府尹會同監臨知貢舉於龍
門外驗明左右臂印點名入場如有印文滅沒
及非原用印記者從重究處其各省鄉試謄錄
書手由監臨飭知各屬起送均責成各州縣細
加考驗造具年貌清冊并親書筆蹟籤差安役

解送布政使。該布政使委官考驗核其年貌。令其書寫字蹟查對相符。卽封入公所。加謹關防。屆期委員親送入場。

一各州縣起送謄錄書手。如有不善書寫。經驗收官駁回。及查出中途頂換。在京在省僱倩頂冒等弊。該管上司將起送之州縣官。咨部議處。各役本身及僱替之人。照例究治。若驗收官不能查出被部院糾察。或旁人首告。將驗收官一併嚴加議處。書手到所之日。該所官於每十名。

選取總書一名。責令稽查督率。如有經頭混入情弊。查出從重究治。其起送冊州縣官一樣造送二本。一本存提調查驗。一本付本所官查考。若磨勘時籤出謄錄應議之卷。有全卷潦草不成字體者。按照卷尾姓名籍貫。行令該督撫查明原起送之地方官。嚴叅議處。

一謄錄書手。會試於三月初六日入場。鄉試於八月初六日入場。點名時。令外場巡察官細加搜檢。不許夾帶黑墨。搜出者照例從重科斷。入

場後毋庸先發筆硯銀硃等物。亦毋庸散給題紙。謄錄時。仍令該管所官晝夜巡查。倘仍有夾帶黑墨。代改文字者。立即拏送治罪。并究出囑託之舉子。仍將外場搜檢各官。交部議處。

一試卷彌封後。彌封所官親送堂上。謄錄所官眼同交收。不許兩所人役近身私語。若查出彌封所失印條記。及前後場號印誤用重用模糊之處。卽呈明令彌封所補印。不得私自差役遞送。或試卷內有夾入紙籤及折角針眼等弊。隨

時舉發不得容隱違者題參議處。

一各所官吏污損試卷除文字棄燬不全外餘俱註明某號卷某人污損存冊外簾其卷仍騰進將棄燬污損之人嚴行究處。

一知貢舉監臨預飭該所官將試卷酌派各書手名下分謄不得假手吏胥致相關照。

一謄寫試卷務用成錠銀硃責令書手謄寫工楷如期完竣其書手姓名卽於本生墨卷尾開註仍於硃卷面戳印經管官一員銜名陸續移

送對讀所覈對如有謄寫潦草錯誤所官查出
卽將該吏及總書重加責懲勒令重寫若有私
通關節買囑記號截去文字挪東移西或閱他
人佳卷抄寫或一人所謄之卷工緻潦草迥異
務究出弊端從重分別治罪倘該所官失於查
察經知貢舉監臨監試提調等官查出卽行叅
奏交部議處

一硃卷不照原字謄寫如

御名

至聖諱墨卷業已敬避。硃卷仍將本字直書。及加有偏旁之字。墨卷業已缺筆。硃卷仍未缺筆。中式後經磨勘官指出。將謄錄官照受卷官應貼不貼例議處。謄錄書手發地方官責革。

一墨卷題內字及文字內錯寫。謄錄不照原字謄寫。自行改正。如果有心作弊。而該管官知情容隱。並應從重究擬。若不過一二不符。原無弊竇。每卷將該所官照疎忽例議處。

一硃卷內作字草率遺落成行硃淡無色洗改洗補或謄寫錯落多至數行該管官不能查出照疎忽例議處。

一硃卷詩頂格寫擡頭出格題目誤低三格及文內空白一二格照作字草率例將該管官議處。

一二場墨卷內摘點頭場詩文一體謄進以便查對。

一士子自記添註塗改字數硃卷內無庸謄寫。

一硃卷題內筆誤一二字及文字錯落數字磨
勘籤出時將謄錄書手杖責示儆如有顯違格
式遺落成行錯誤成句有害文義者籤出立即
黜革

例案

順治十五年題准。彌封所封盈一箱本所官親
送堂上。仍約謄錄所官。眼同交收。不許兩所人
役近身私語。

又題准。謄錄各役。各縣選送信實善書者。印其

左臂臨時驗臂而入如膳錄潦草淡抹字句錯落些小失誤責令重寫重者枷革若截去文字挪東移西作奸舞文以枉法贓律治罪。

又題准膳錄書手各府州縣務細加考驗擇善書樸實之人開明年貌籍貫如有僱替搪塞將起送之官題叅各役正身並僱替之人俱從重究治如硃卷內作字草率遺落成行硃淡無色洗改洗補實在膳錄。

順治十六年議准膳錄書手起送冊應令各府

州縣一樣造送二本。一本留提調查驗。一本付本所官查考。其有潦草淡抹。該所官按其姓名立行責治。勒令再贍。總書一併重責。如有書手作奸等弊。所官指名呈堂。送刑部治罪。若所官不能覺察。經知貢舉監臨監試提調查出者。題參處分。

又題准。舉子試卷自行污損者。照例貼出。若已交卷。係各所官吏污損者。除文字棄燬不全外。餘俱註明某號卷。某人污損。存冊外簾。其卷仍

膳進並將棄燬污損之人嚴行究處。

康熙五年覆准膳錄官查看膳寫硃卷務與墨卷相同卷面仍註明某官經管以便稽察。

康熙七年題准膳錄所見彌封所失印條記不行呈明令其補印乃私自差役遞送者經管膳錄官罰俸三個月其書手姓名誤寫卷皮內者經管膳錄官查出不行呈明罰俸三個月不行查出亦罰俸三個月。

康熙五十三年覆准膳錄書手應令地方官選

擇正身呈送。近有假充頂冒入場代人作文。本
生貢緣書吏暗遞白卷。給與代作之人作文。或
閱他人佳卷抄寫。弊端甚多。嗣後此等弊弊將
代作並貢緣之人。及知情容隱。通同作弊者。俱
嚴審從重治罪。其原送官及所官酌量情弊治
罪。

雍正二年奉

上諭。闈中謄錄試卷弊端甚多。其有賄囑者。則書寫精
工。否則潦草舛落。致誤佳文。著知貢舉及監試御史

嚴行申飭。其謄寫不工者。必重加責懲。令其重寫。併令對讀官員。嚴飭各生。悉心校對。勿使字畫錯誤。倘有外簾官失於查察。日後發覺。將該管官一併嚴加議處。欽此。

雍正七年覆准。鄉會場應用謄錄銀硃。應行令順天府。務令做成錠子。俾得書寫均勻。以免模糊。

乾隆二年題准。遇鄉會試年。應行文直隸總督。嚴飭各屬。務須選擇信實善寫書手。押送赴京。

毋得中途頂換。至京照例考驗。將善能書寫者。仍印其左臂。臨期驗臂而入。如有該管衙門書吏。串通解役。代爲包攬僱覓者。該提調查出。或經九門提督五城御史訪拏。卽送刑部治罪。

乾隆十五年奏准。會試膳錄向皆前期送提調官考驗。臨時點名入場。自送提調之後。地方官已卸其責。而提調實無關防處所。及三月初六日。先隨知貢舉入闈。初七日。各膳錄始赴貢院聽點。其中多有頂替入場作弊。嗣後請令順天

府所屬及直隸各府所屬應解之膳錄生均於
三月初一二日冊送順天府尹預行考驗筆畫
端楷者如數查收交大興宛平二縣擇寺觀閒
房關防至期押送貢院令提調就龍門內會同
監試御史驗看筆畫清楚一面點名一面關入
外簾

乾隆二十一年議准侍郎劉綸條奏剔清膳錄
弊端應

勅下督撫嚴飭冊送州縣官務選誠實正身吏役以充

膳錄取具親筆書蹟並冊造年貌籍貫加印封固慎選書吏押送至布政司順天府以杜本地方之僱替布政司順天府委官驗收驗其年貌令其書寫字蹟查對相符卽封入公所加謹關防屆期委員親送入場倘有僱替等弊或被部院糾察或經旁人首告將冊送及驗收官交部嚴加議處

乾隆二十五年大學士九卿會覆御史楊方立條奏查定例膳錄入場會試於三月初七日鄉

試於八月初七日。今請展期一日。於初六日入場。以便逐細搜檢。務將衣帽行李。遍行閱看。倘有潛行帶墨。致被搜出者。照科場例。從重科斷。至入場後。交與謄錄官。晝夜稽查。倘有一人而字蹟互異。卽係賄囑弊端。該所官指名呈堂。從重究治。倘所官不行查出。別經發覺。交部嚴加議處。

乾隆二十七年。議覆順天府尹羅源漢條奏。謄錄解到時。除一切考驗關防。照例辦理外。於入

揚前一日提調督同大興施平二縣逐名查驗各於左臂上用印封固如有印文減沒及非用印記等弊一經查出卽行從重究治。

乾隆二十八年奏准膳錄不照原字膳寫別經發覺如果有心作弊而該管官知情容隱并應從重究擬若不過一二不符原無弊竇事係公錯每卷應改照疎忽例罰俸三個月其原定降革之例應行停止。

又奏准查舊例硃卷內作字草率遺落成行硃

淡無色洗改洗補將經管官奈處又謄寫錯落多至數行被對讀對出改正或對讀任錯不改被內外簾糾察或磨勘時有經內簾抹出者謄錄官罰俸九個月等語查謄錄草率錯落不能查出該管官固難辭咎但每卷罰俸九個月積算亦屬過重應將此二條一併酌減謄錄官均照疎忽例每卷罰俸三個月

乾隆三十一年奉

上諭據知貢舉程巖等奏

謄錄所燭煤失落燒損墨

卷五十二本。俱不堪。謄送內簾等語。此等舉子遠來跋涉。志切觀光。乃辛苦風簷三場業經竣事。而試藝不獲謄送內簾。同邀閱選。其情甚爲可憫。除謄錄所經頭人等。及失察各官。已經分別交部外。著軍機大臣傳知禮部。查出被燒之卷。其如何加恩。俾伊等文字得以一體補行謄錄送閱。不至獨抱向隅之處。查明辦理具奏。欽此。隨經大學士忠勇公傅恒等具奏。將會試外簾官燒燬之各試卷。令禮部侍郎劉星煒前往查辦。據查究燒去邊幅字蹟可辨。僅

缺一二字者三十四本。其燒燬零落難以識辨者一十八本。俱交臣等閱看。查此內三十四本全卷字蹟不過畧有缺損。只須令本人仍照原卷謄寫。卽間補一二字。於全篇文義無關。且有原卷可以校對。不致有改竄之弊。至燒燬零落之一十八本。全卷旣難辨認。若令其默寫原文。恐伊等場後曾經修飾。非復風簷之舊。似宜另行考試。以昭慎重。交禮部傳集各舉子。於本月二十四日前赴

圓明園所有應行另考之舉子十八名恭請

欽命四書題二道並派員監試其另行謄寫之三十四卷令其與考試之人分別隔坐並收卷後仍封交知貢舉同伊等二三場原卷一體彌封迅速發謄送入內簾以定去取

乾隆三十六年議覆國子監祭酒張裕桺條奏謄錄書手直省鄉試由該監臨飭知各屬會試由禮部行文直隸總督及府尹轉飭各屬務須恪遵成法擇善書樸實之人考驗送闈倘有僱

替充數。卽將該員照例議處。各役本身并僱替之人。照例究治。

乾隆四十年。議覆御史王寬條奏。外省膽錄。應令該督撫轉飭各該州縣。於保送之初。詳慎考驗。並嚴查有無僱替。務以善寫正身書吏。申送布政司衙門。如有不善書寫。經驗收官駁回者。該督撫將起送之地方官。咨部議處。其中式硃墨卷解部後。磨勘官籤出膽錄。應議之卷。逐一查看。除字訛句落。照例查議外。倘有全卷。竟草

不成字體者。按照卷尾姓名籍貫。行令該督撫查明原起送之地方官。嚴叅議處。再硃卷題內筆誤一二字。及文內錯落數字。未經對出者。將對讀生戒飭示儆。如有謄錄顯違格式。遺落成行。錯誤成句。有害文義。不行詳對註改。查出立行黜革。其謄錄各役。應行查議之處。並照此分別辦理。以昭平允。

又議准御史孟邵條奏。嗣後入闈經頭名目。永行革除。照舊例令地方官。選送誠實書手正身。

分撥四所。仍令就其中擇誠謹明白者。每十名
選取總書一名。分司其事。總於場內臨時酌定。
自不致有先期請託之弊。並請會試交知貢舉
提調鄉試交監臨提調。同至公堂御史一體稽
查。如仍有經頭混入情弊。卽行據實查叅。從重
究治。

乾隆四十七年。議准御史梁景陽條奏。查膽錄
書手。例由該管官臨時分卷。派令書寫。但舉子
場前。亦有熟識之人。或與房考預爲關照。均未

可定。該御史請改於墨卷尾開註書手姓名。將硃卷後停其註明之處。亦屬防閑之一端。應如所奏辦理。

乾隆四十八年。准刑部咨稱。順天府鄉試中式第六十一名舉人蒲慶陽。試卷硃墨不符。共計十二處。審明將謄錄杜守義。從重比照越舍與人換寫文字者。發近邊充軍。例發近邊充軍。蒲慶陽革去舉人。不准納贖。謄錄對讀所官。交部查議。

乾隆五十二年奏准鄉會試謄錄應責成知貢舉監臨預飭謄錄所各官將舉子試卷親行酌派各書手名下分謄不得假手吏胥互相關照致各書手將熟識賄託之卷檢出謄寫仍隨時查察如有謄寫草率不堪之卷卽將該書手嚴行查懲罰令重寫。

乾隆五十三年湖南學政錢澧奏准謄錄入場舊例給發筆硯銀硃紫粉等物概可毋庸先發亦毋庸散給題紙。

又題准。覆勘大臣彭元瑞等奏稱。本年新定條例。令本生於二場墨卷內摘默頭場文字。以防謄錄改竄之弊。原議並未載明。應否謄入硃卷。應請行文各省。畫一辦理等語。查原議酌令各生默寫頭場。於填榜前先將中卷比對。則硃卷自應一律謄寫。以便隨時查對。

乾隆五十四年。大學士公阿桂等議准。鄉會試謄錄。請於順天直隸各州縣衙門正身書吏內。挑取誠實能書者。按照鄉試謄錄一千名。會試

膳錄七百名之數。均勻選派。造具花名清冊。取具印結。由直隸總督。委員送交順天府。按冊點查。照例考驗。嚴行關防。屆期。順天府會同監臨。知貢舉等。驗明印臂。押送入場。如有仍前僱覓頂充者。一經查出。從重治罪。

乾隆五十七年題准。覆勘大臣。禮部尙書紀昀等奏稱。墨卷自記添註塗改。以防改竄之弊。硃卷則全無所用。不必謄寫等語。應如所奏。嗣後各省硃卷。毋得謄寫添註塗改字數。以昭畫一。

道光二年給事中王松年條奏。慎選閩中。膳錄
一摺。奉

上諭。嗣後著順天府直隸總督。嚴飭各州縣。遴選正身
書吏。充當膳錄。如有字畫不能明晰者。卽將該州縣
叅處。倘仍前冒濫充數。字畫模糊。著監臨知貢舉。據
實叅奏。各直省膳錄。並著監臨安爲經理。查有前項
情弊。亦著一並叅辦等因。欽此。

道光十七年奏准。順天鄉試及會試。大興宛平
一二縣。係辦理場務。其額設書手。向來不敷派送。

不能不另行雇募。卽難免匪人混跡。嗣後該兩縣書手。免其派送膳錄。其所缺名數。卽在順天府屬各州縣中。均勻添派。以符定額。

道光二十三年。議覆御史雷以誠條奏。膳錄官但有處分。而無記功。不足以示勸懲。嗣後應請將膳錄官。一次無過。咨部紀錄一次。三次無過者。加一級。如有失察舞弊等情。咨部議處。監臨知貢舉。派定膳錄所官。卽開列職名。知照禮部。以憑查考。

又會議嗣後順天鄉會試應請責成順天府尹直隸總督嚴飭各州縣於考送謄錄時用摺卷一本墨格二頁鈐用印信選正身書吏於卷面當堂親寫年貌籍貫某房書吏再於墨格用硃寫六行擇字畫清楚者各於左臂用印一顆封固將原卷並冊結封送各府廳直隸州驗明臂印令於原卷用硃接寫四行如年貌筆蹟不符立即駁回更換將申送官指名詳叅其堪以供役者派幹練丞倅及候補州縣等員於起解時

逐一識認。沿途約束。限於入場前五日。赴順天府將原卷冊結投遞。驗明印臂。仍令於原卷用硃接寫四行。如年貌筆蹟不符。卽行駁回。查係本處頂替。或中途更換。除將該書吏及僱倩之人嚴究外。仍查取申送之州縣。及解送官職名。分別咨部。從重議處。其堪以供役者。將原卷存順天府備查。由大宛二縣各於右臂上用印一顆。封固妥擇寺觀。同原解官嚴密關防。於入場前一日。解官押赴貢院。轅門搜檢。大宛二縣於

貢院門外點名。押解官逐名識認。按序而入。順天府尹會同監臨知貢舉。於龍門外驗明左右臂印。點名入場。至膳錄潦草錯落。責成該所官隨時查察。嚴加責懲。

附載舊例

順治十五年定。膳寫錯落。多至數行。被對讀對出改正者。或對讀漫不經心。任錯不改者。或內外簾糾紒。或磨勘時經內簾抹出者。膳錄官罰俸九個月。

康熙七年定。墨卷題內字。及文字內錯寫。膳錄不照原字。謄寫自行改正。一卷膳錄官罰俸九個月。二卷罰俸一年。三卷降一級。四卷降二級。五卷降三級。俱調用。六卷以上。革職。膳錄書手

責革。

乾隆三年覆准順天鄉試應加謄錄二百四十名共成一千名以數謄寫之用再查舊例謄錄七百六十名俱在順天一府派取事屬不均應於順天額數過多之州縣內減取二百六十名順天一府止解送謄錄五百名其餘五百名令直隸總督照會試例於所屬府州內酌量地方大小坐派名數務選本處樸實善書正身該府員齊加結先期徑送順天府聽候點驗入場如有在京僱覓代替及書寫不堪者除本役重責外將起送之地方官照例題叅。

乾隆九年覆准嗣後順天鄉試應須謄錄書手一千名仍於順天府屬州縣照原例提取七百六十名其不敷書手二百四十名應於保定府屬之安肅定興新城容城雄縣新安天津府屬之天津易州屬之涞水等八縣內每處提取三十名以足一千之數。

附載駁案

乾隆二十五年大學士九卿會覆御史楊方立條奏科場設立謄錄自有宋以至我

朝歷久遵行迄無異議誠以鄉會兩科爲

國家掄才大典四方士子所爭趨人多則弊易叢生故立法雖繁而不可易蓋校閱文字公則生明若使糊名而不易書則該生手蹟顯然卽字關通無煩摹擬挨行數頁隱記多端此墨卷之所以必須易書也該御史奏稱

殿試

朝考以及考取中書學正教習俱屬糊名而不易書卽直省貢生科歲入學均屬生童自書何以俱不防其有弊而於鄉會兩試務在易書方見慎重等語殊不知

殿試

朝考等試人數無多稽察防閑耳目較近且各願已成之功名咸知自愛弊可不防而自杜直省

歲科選拔等試。學臣按棚巡歷。與生童勢分懸殊。在見面尙屬偶然。豈書手卽能默喻。若鄉會兩試。爲士子進身之始。仕宦於此梯階。進取不遺餘力。以千萬人羣趨之路。賢愚錯雜於其中。固宜禁士子之鑽營。亦應防考官之舞弊。惟易之以謄錄。庶暗中摸索。而墨卷可杜關通。今該御史奏稱。謄錄之弊。有錢賄交通。暗定記號。帶墨入場。議賄多者。竟可點竄原文。改正錯誤。其貧士不依謄錄者。必謄寫錯誤。不成文理。難以校閱等語。查謄錄書手。順天暨直省俱各州縣解送書吏充當。其中不無頂名僱倩。率皆貧寒無藉。稍能書寫之人。士子或慮書手草率。貽誤。不惜數金之費。如該御史所稱。往往有之。然亦但求書寫無訛而已。至於點竄文藝。改正錯誤。非學問優贖。眼明手捷者。何能爲人猝辦。如果有其人。豈有不想上進。而甘心受僱。應名書手之理。且中式之後。硃墨卷尙須磨勘。如果有點竄之弊。一經指出。自可嚴加根究治罪。難以掩

飾若謄錄謄寫錯謬經主考官抹出者現在處分官吏各省多有卽如該御史所稱謄錄之弊止於受囑則書寫精工不受囑則草率了事猶可設法防閑若裁去謄錄竟以墨卷直達內簾則凡有姻親交好平日習見字蹟不難一目了然以致紙上羅文筆頭墨瀋均可暗記在營私者卽緣此而潛行奸弊而有意避嫌者又轉因是而故抑佳文且彌封之處止於寸許紙條輾轉閱看倘有破損則姓名顯露場中萬難措手此又謄錄之必不可裁而墨卷之必不可呈於考官者也夫日久弊生勢所必至務在實力杜弊不宜併議廢法查乾隆九年原任大學士伯鄂爾泰等議覆原任御史范咸條奏鄉會試裁去謄錄一條大旨與該御史所奏畧同業經議駁是謄錄種種弊端久已責成嚴禁應請再行申飭辦理場務各員實力奉行不得視爲具文并請責令各地方官舉正身書手起送提調官於考試謄錄時務取字畫端楷方准入場再

膳錄既不能裁對讀自應照舊辦理又兩所官吏人役會試約用六百餘名約需經費九百餘兩順天府鄉試例用八百餘名約需經費一千餘兩各省多寡不同應亦不甚懸殊該御史所稱十餘萬金亦未覈實總之利不百不變法害不十不易制因其一端之弊竇遽廢久定之章程實於場務無益應將該御史所奏毋庸議

卷四十

現行事例

一鄉試用五等青生對讀事竣准復附生。如人數不足以四等生員錄遺無名及白揣難於取錄。不願錄遺者充補。免其戒飭。該學政儘數造冊起送。勿致藉端推諉。各該教官嚴飭各生。務於科場十日前。赴提調處齊集點驗。其中實係

老病事故順天直隸四等罰贖銀四兩五等八兩各省四等罰贖銀三兩五等六等由該地方官出具印結詳明學政並將此項罰贖銀兩直隸解交順天府外省解送布政使歸於科場項下覓僱入場供役磨勘時有應議對讀之處其咎專歸受僱之人該學政於每屆鄉試時將四五等生員實在入場對讀并遵例解繳罰贖銀兩各若干名分別造冊報部查覈

會試新生入場對讀由部行文順天學政

京學不派外於附近各州縣小學選擇通曉文理者造具年貌清冊於科場前一月解送聽提調點驗如有僱替不堪者本 斥革地方官題叅

三場事竣並無錯誤劄行學政遇歲考或科考考列三等准附二等末考列二等准附一等末其歲考置劣等者亦照此遞升一次以示優獎一順天鄉試對讀不敷不得延僱貧生入場順天府於考試謄錄字畫時兼取文義畧通者分別記名充補對讀。

一對讀入場筆硯等物毋庸先發亦毋庸散給
題紙。

一硃卷字訛句落不細心詳對註改及謄錄洗
補對讀生不舉者該所官查出重治如對讀官
不督率各生詳對及明知對讀潦草不行查舉
者經內簾發出或知貢舉監臨監試提調等官
察出該所官照例處分本生斥革治罪

一對讀生不許干預書寫違者斥革重究

一硃卷既經對讀完竣即於硃卷而

經管官銜名墨卷尾書

對讀生姓名以便稽

覈

一對讀生員如有假充頂冒入場代人作文等弊將代作并重緣之人及知情容隱通同作弊者俱嚴審從重治罪其原送官員及所官酌量情弊定擬

一試卷至對讀所查出字畫潦草過甚卽行駁回如謄錄不照原字謄寫及草率錯落對讀不行查明對出每卷將對讀所官照疎忽例議處

若謄寫硃卷。謄錄忽添寫一二字。對讀不能對出。對讀所宜照謄錄。不照原字。謄寫對讀不行。對明例議處。

一

廟諱

御名

至聖謚硃卷未照墨卷避寫及

廟諱

御名加有偏旁之字。硃卷未照墨卷快筆對讀不行。

對出除磨錄

生照例議處外仍將對讀

官照受

貼不貼失於查察例議處對讀

生責革

一對讀生員於硃卷題內筆誤一二字及文內
錯落數字未經對出者將該生戒飭示儆如有
磨錄顯違格式遺落成行及錯誤成句有害文
義不行詳對註改者磨勘官簽出黜革

一硃卷磨錄並未錯寫對讀擅改墨卷文內之
字經磨勘官查明並無獎實者仍將該生照違

令例發學戒飭該所官照謄錄不照原字謄寫
例議處

一墨卷本有脫落對讀壇爲代填將對讀官照
謄錄不照原字謄寫例議處對讀生責革

例案

順治十六年議准對讀生員責成該學政行各
學揀選年力精壯文理明通之士按年貌籍貫
造冊交送提調內有點驗不到及朦混搪塞者

除名
其對卷有字

凡有... 註改及謄錄洗補對
不舉者該所官查出重治如對讀官不督率各
生詳對及明知對讀潦草不行查舉者經內簾
發出或知貢舉監臨監試提調等官察出該所
官照例處分或本生首舉該所官照例叅處各
生各役一併處分

康熙五年覆准對讀官磨對硃卷墨卷卷面仍
註明某官經管以便稽查

雍正六年議准科場對讀例用五等青生惟順

天除京學外兼將外縣新進十名以外之生員充數對讀不得一體鄉試未免阻其上進之志嗣後順天鄉試應照例用五等青生對讀事竣照例准復附生如人數不足以四等生員充補其以新生充補對讀之處永行停止

乾隆二年覆准會試新生入場對讀如果無錯誤者劄行學臣遇歲試或科試考列三等者准附二等末考列二等者准附一等末其歲考置劣等者亦照此遞減以示優異

乾隆八年議擬所請。以武生兼用四等。武生對讀
等語。應如所請。通行各省。嗣後鄉試五等青生
不敷對讀。將四等武生兼用對讀。免其錄遺。准
入武場鄉試。

乾隆十四年。議准山西學政德保奏。查雍正六
年八月內。禮部議准江南涇縣候補知縣胡振
條奏。青生不准鄉試。故令對讀効力。如青生不
敷對讀。卽以四等生員充補。嗣於乾隆八年二

月內浙江學政彭啟豐奏稱四等生員未有不
許鄉試之例。有礙場期固難對讀。請嗣後五等
生員不敷對讀。兼用四等武生等。因覆准在案。
是科場對讀。青生不敷。本有四等文生充補之
例。後復兼用四等武生者。原爲文生對讀。或致
有礙場期起見。但思四等文生歲試之時。去場
期尚遠。如錄遺有名。原不礙其鄉試。若錄遺無
名。則既不准鄉試。正宜人場効力。俾知警惕。應
請該學政所請。嗣後四等文生。科場錄遺。無不

用以四等武生充補。

乾隆十五年議覆廣西學政羅源漢奏稱學臣於科試時每棚試畢後查明四等生員共若干名卽就近於本棚許其錄遺取者送鄉試對讀不到者發學戒飭等語查錄遺定例各省學政於科試事竣之後回省通行錄遺今若止將四等文生於科試每棚試畢後就近錄遺不但與體制未協且於科舉定額亦不能通盤計算辦

理請嗣後凡考居四等生員有情願錄遺者令該教官造冊申送錄遺如取錄有名准其鄉試若未經取錄卽就近令其入闈對讀至自揣難於取錄不願錄遺者卽令該教官預行查明名數造冊徑送對讀倘有不到之生將該教官查叅議處

又議覆順天學政金德瑛兼管順天府府尹熊學鵬等條奏據學政金德瑛奏稱向來直隸鄉試對讀生如不敷用順天府添僱貧生因此四

五等生員內或有老病跋涉資斧艱難先期扭
赴京師致有逃避不到者並私自僱人查出襁
革者揆之情罪事屬可矜擬酌爲變通除甘親
身供役外如果係老病四等罰銀四兩五等八
兩解交順天府備充官僱之費等語應如該學
政所奏除甘親身供役外果係老病四等罰贖
銀四兩五等八兩令該地方官出具印結詳明
學政并將此罰贖銀兩解交順天府衙門歸於
科場項下撥用至此等生員既准罰贖則對讀

人數臨時倘有不敷。自應酌量充補。查現據侍
郎熊學鵬等奏稱。順天府屬暨保定等府。每科
所送謄錄。手內共有千人。例由順天府考其
字畫端楷者。令其入場。每科約用八九百人。尚
餘百數十人。駁回。請將此百數十人內。酌其需
用多寡。充補對讀等語。查謄錄對讀。雖係兩項。
然以謄錄之有餘。補對讀之不足。事屬可行。惟
查此等人內。向例考試時。但取其字畫端楷。今
令充對讀。則須畧知句讀之人。應令順天府

考式行錄字畫時兼取文義畧通者分別記名
充補對讀庶爲允協其延僱貧生入場對讀原
係一時通融辦理未便援爲成例應將順天府
延僱貧生代充對讀之處永行停止至武生劣
等對讀者均照此辦理

乾隆二十七年議覆浙江學政李因培奏稱各
省會地方俱有對讀之人。歷科應僱從未誤公
請援照順天學政金德瑛條奏其應行對讀文
武各生除甘親身供役外果係老病准其一體

照例罰贖將銀解司僱覓送場對讀又外省僱覓稍賤量子酌減令四等之生罰贖銀三兩五等罰贖銀六兩等語查考居下等之生例應入場對讀因念其中實有年老患病資斧艱難不能親身供役之人故議覆順天學政金德瑛條奏准其量子示罰使不致多方規避轉致誤公順天鄉試已遵行兩科在案但各省場務辦理不同是以未經畫一通行今該學政既稱該省卷錄原係布政使衙門承辦

請除願什供役及丁憂事故并四等文生業經錄科有名外如有老病不能供役及不願錄遺者照例罰贖准其令四等之生罰贖銀三兩五等罰贖銀六兩解交該管科場官俾覓對讀入場供役再各省內倘有情形與浙江相同者准其援照罰贖銀數一體遵行其有應行仍遵舊例辦理者聽該省學政咨部存案

乾隆二十九年覆准貴州學政李敏行咨呈稱

查貴州地處邊隅所屬士子寒苦居多若照浙
江大省鄉試之例一體照數罰贖銀兩其無力
之士未免拮据將來恐難辦理應請仍照舊例
將四五等生員聽其自行應役有年老病廢者
亦照往例令學書門斗代其僱覓寒生充當銀
數多寡聽本生自給不必限以定數仍經學政
過點彙冊一併查覈復點其查點時如有讀字
不真不可以役者仍令本生另僱承充即將到

本省公費銀兩動支令貴陽府縣兩學延得貢生充當等語查與原奏相符應如所請該省對讀生仍照舊例辦理。

又廣雅五等武生應照五等文生罰贖之例罰贖銀六兩解交藩司僱覓對讀各省一體遵行乾隆三十六年覆准對讀生員係教官解送若選充不慎僱替充數即將該員照例叅處本身并僱替之人照例究治

乾隆四十年議覆御史王寬奏稱對讀各生有

不能詳慎註改者輕則戒飭重則責革應分別辦理等語查對讀處分久經著有明條但不論輕重一例責革未免無所區別應如該御史所奏所有對讀各生於硃卷題內筆誤一二字及文內錯落數字未經對出者將該生戒飭示儆如有謄錄顯違格式遺落成行及錯誤成句有害文義不行詳對註改者簽出立行黜革

乾隆四十一年覆准護理廣西巡撫蘇爾德台

奏請嚴禁生書謄錄於軍科行調人員

河東道例罰銀三兩。詳交將同衙門照例備
募人聞。嗣奉部覆。三十名舉人。麥承天。陳維康。
草錯誤。將謄錄書手對讀生員責革。今查代僱
之書手趙炳業已病故。其伊所僱何人。無憑查
究。應請免其置議。至四等武生唐獎材已遵例
繳銀。例得罪坐僱辦之人等語。查唐獎材既據
該護撫查係遵例解繳罰贖銀兩。轉爲代僱入
闈供役。其對讀錯誤。咎在受僱之人。除代僱之
書手趙炳業已病故。毋庸置議外。至唐獎材謹

免黜革之處應如所咨辦理。

乾隆四十七年議覆河南學政邵洪奏稱。欠考生員例應嚴催補考。不得准其復充對讀。今河南鄉試。仍復沿襲舊例。應請改正等語。應如該學政所奏。遵照乾隆二十七年奏准之例。四等罰贖銀三兩。五等罰贖銀六兩。解交藩司。催充對讀。並照順天鄉試現行章程。於考選解繳字畫時。兼取畧曉文義者。分別記名。以備對讀之用。再查各省鄉試。解送對讀。向不咨報。似於稽

設之道尚有未周應請通行各省學政於每屆鄉試時將四五等生員內實在入場對讀若干名並遵例解繳罰贖銀兩若干名分別造冊報部卽將各冊與歲試等第名冊逐一覈對以防遺漏。

乾隆四十八年議覆雲南巡撫劉秉恬奏稱對讀生一項向與謄錄書手一體自註姓名於硃卷尾應令并註於墨卷尾并列兩行等語應如所奏自本年爲始各省鄉試及會試對讀生姓

名令其與謄錄姓名。一體改註於墨卷尾。以歸

書二

乾隆五十二年大學士九卿奏准。試卷至對讀
所查出謄錄字畫潦草過甚。卽行駁回。并令嗣
後舉子於墨卷自行點勾勾股。對讀生將騰出
硃卷詳加校正。一一照式點勾。則硃墨卷不至
外錯。應令各直省一體遵辦。

乾隆五十三年。湖南學政錢澧奏准。嗣後對讀
入場。將謄錄字畫潦草過甚。卽行駁回。并令嗣

龍谷題覽

河統駁案

乾隆二十四年。議准兼管順天府府尹熊學鵬等奏稱。對讀掙飾不到各生。應請概行罷革等語。查此等劣生。其老病不能入場者。既准令以罰贖示儆。其親身對讀者。自當勉勵供役。惟在學政衙門詳悉稽察。務使向來規避陋習。實力屏除。其所請概行罷革之處。應毋庸議。

乾隆二十九年。議覆四川學政博爾額奏稱。生員補考。居下等者。應一體罰令對讀等語。查生員補試前案。歲考去下屆鄉試。尚有本案歲考及科場錄遺。其補考列在下等者。如本案歲考三等。或四等。而錄遺有名列。例不對讀。若仍考居下等。及四等錄遺無名。應入本案歲考辦理。惟補考四五等之後。未與本案歲考者。間有其人。非係遊學。卽屬患病。此等生員。當其呈告遊學。

患病之時該學政卽應慎重稽查不得任其託故規避。若果遊學患病屬實亦難令其入場對讀。致滋貽誤。所奏應毋庸議。

乾隆三十八年奏准查江南懷遠縣捐貢附生宋邦孚已欠歲考三次例應除名。經該學政以該生於乾隆三十三年入闈對讀准作補考一次。并稱安徽省每科需用對讀四五等生員不敷。將欠考生員奏足。俟對讀事畢學政查對名冊卽准作補考一次。歷科相沿辦理等語。查科場定制對讀一項從無欠考生員入闈對讀之例。所有安徽欠考生員入闈對讀之處應請卽行禁止。

欽定科場條例卷四十一

收掌所官

現行事例

一頭場試卷至公堂移送內簾主考與內監試公同掣籤分閱內收掌官戳印各房條記詳載號簿二三場卷到時按各房分閱紅號戳印分送校閱其中適值本省卷應迴避者主考與內監試公同酌量調換交內收掌遵辦如遺漏印記及重用印記照舉子卷號遺漏重用例罰俸

三箇月。

一房考每日閱卷畢。卽交內收掌。眼同內監試包封。

一鄉會試落卷。責成內外收掌官。隨時查對。逐卷造冊。於揭曉日移送提調。如有剽換藏匿情弊。原卷遺失。未經查出者。將收掌官分別議處。一外收掌官。有始終經理之責。硃卷移送內簾後。外收掌官將通場墨卷。查明省分紅號。標籤收存。以備填榜時移送內簾覈對。

一會試硃卷外收掌官均按省彙送內簾毋

分府零進

一受卷彌封謄錄對讀四所各員於承辦事竣
出闈之時將各項冊檔并吏役人等移送外收
掌官管理約束如提調監試及內簾有交查之
事卽令該員承辦俟揭曉後同內簾官一體出

闈

例案

康熙三十九年議准順天鄉試內簾分卷打印

交與收掌試卷官。仍用內監試御史監看。

乾隆二十二年。覆准御史劉宗魏條奏。直省內簾並無內收掌官。應照京師之例。添設內收掌官一員。令其在內簾專司收發。並將落卷覈計總數。於揭曉日移送提調查覈。

乾隆三十二年。議覆御史王懿德條奏。順天鄉試及會試內簾分卷。原應監試御史眼同內收掌官。於進卷時隨到隨發。當堂分給。若內收掌官不於當堂分發。揀派失均。及藉端私寓。隔宿

分散等事該監試卽可立時糾參自應申明定例凡內簾進卷之時俱令內監試官及內收掌官當堂眼同均派卽時各登號簿查覈以便稽察以清弊端

乾隆三十五年議准江西布政使袁希深江寧布政使姚成烈先後陳奏受卷彌封謄錄對讀四所事務先期完竣卽令各官陸續出闈至收掌試卷官有始終經理之責嗣後該監臨於本省事簡同知通判內無庸拘定科甲遴調入闈

充內外收掌官。除本所責成經理外。並令受卷。彌封。謄錄。對讀。四所各員。於承辦事竣出闈之時。將各項冊檔。並吏役人等。移交外收掌官。管理約束。如提調監試及內簾有交查之事。卽令該員承辦。俟揭曉後。同內簾官一體出闈。

乾隆四十三年。大學士阿桂等奏准會試試卷。不過四五千本。額設收掌二員。足敷辦理。至順天鄉試。不下九千餘卷。向止收掌一人。未免竭蹶。應請嗣後順天鄉試。添設收掌一員。庶不致

稽遲貽誤。

乾隆四十八年議准房考官每日閱卷畢卽交內收掌眼同內監試包封。

又議覆御史孟生蕙奏稱落卷倘有遺失不能領出者將經手之書吏等徹底根究等語應如所奏鄉會試一體辦理並請責成內外收掌官隨時查對逐卷造冊稽查如有割換藏匿情弊原卷遺失未經查出者將收掌官照例分別議處。

道光十七年議准會試外收掌向由提調兼辦。惟提調事務較繁若令兼管貯卷不足以專責成。請照鄉試例設外收掌一員。

咸豐元年議准御史張廷瑞奏會試進卷均宜按省彙送毋得分府零進致有偏枯等語奉

旨依議欽此

附載駁案

道光十七年議覆御史朱淳奏稱外收掌應添設一員自卷箱到闈一切事宜令其收發點數試卷發印後可令移貯房中俟點名時發交四門分數等語查定例卷箱移送內庫及外收掌

將通場墨卷收時。以備稽覈。至試卷入闈。向不由外收掌管理。蓋因卷數煩多。入闈時。纔印坐號。鈴蓋關防。距點名散卷。止隔一日。至收卷後。又須卽發彌封。爲時甚爲迫促。若責令外收掌司發司收。逐次點數。卽使添派一員。亦恐稽察難周。致滋遺誤。所請添設外收掌。管理收發試卷之處。應毋庸議。